



19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43



6492-30  
715-1



430  
447

14732

古  
初  
業  
最  
金  
銀



先緒永存  
用雲精館南  
林鑄

古刻叢鈔

松筠閣藏

玉霄真逸陶宗儀

賜進士及第授通奉大夫署山東布政使督糧道孫星衍重編

四四

西漢刻石

字闊六七寸許長短不侔

建平五年六月郡太守像范功平史石工

要本長廿五丈賈二萬五千

建平五年六月郡五官像范功平史石工

廿五丈賈二萬五千

右西漢刻石廿有九字在永康過紫屏二里許道旁

乾道丙戌余始得之荒萊中出石三面高卑凸坳刻

隨其勢蓋孝哀時刻也建平止四年明年書元壽而不載改元月日豈詔未至蜀時刻耶如孝獻初平止四年文翁柱記亦書五年之類也其後僭叛號建平者凡八皆不在蜀

石勒 慕容堅 慕容德 慕容盛 劉義宣 魯爽 賊白馬桑 斯 賊 王愉

五官掾續漢志謂掌署諸曹事西京末郭唐為信都五官掾見於後書故知其為西漢刻石無疑西漢字世固罕有歐陽文忠以未之見為恨從劉原甫得銅器款識數字已為可寶而不得石刻也今此刻天下漢隸莫先焉乃不及與集古所錄蓋不幸矣

豈無抱道負材之士不為世知如此石者乎可不為之歎息哉



東漢刻石

字方二三寸許

攻此石省三處閣直錢萬二千永元六年

右東漢刻石十有六字在范功平磨崖之西五十餘

步字畫大小不等而筆意精妙去地數寸剝蝕甚於前刻模者必偃而可得蜀之漢刻最多此刻後尊槌閣記卅有八年其次在第三矣甚可愛也余得前刻

後十日小子武仲始見而模本云後五年太守晉原李公始爲作屋護之索余考鐫之石東萊蔡迨書



漢永初討羌檄

永初二年六月丁未朔廿日丙寅得車騎將軍莫府文書上郡屬國都尉二千石守丞廷義縣令三水十月丁未到府受印綬發夫討畔羌急急如律令

馬世疋驢二百頭日給

右宣和中陝右人發地得木簡一瓮字皆章草朽敗不可銓次唯此檄完中貴人梁師成得之嘗以入石

未幾梁卒石簡俱亡故見者殊鮮吳思道親覩梁簡故賦其秘古堂云異錦千囊更妙好中有玉奩藏漢草榮次新吳出也得其樞本以示余按章草今在世益少唯急就章見在并諸帖所傳耳然急就轉樞失真愈遠官帖章帝皇象索靖等書與張芸叟所珍鷄爵賦又率是贗作黃長睿已嘗辨於東觀餘論然則此檄當爲今章草家第一也米元章淮鱗帖卷內稱章草乃章奏之章今攷之旣用於檄則理密概施於章奏豈小學家流由古以降日趨於簡便故大篆變

小篆小篆變隸比其久也復以隸爲繁則章奏文移  
悉以章草從事亦自然之執故雖曰草而隸筆仍存  
良由去隸未遠故也右軍作草猶是其典刑故不務  
爲冗筆逮張旭懷素輩出則此法埽地矣但檄言討  
羌歲月與史不合此史誤無疑黃長睿已詳辨不復  
述乾道庚寅孟秋中休命工錢板因識其後陽羨張  
駒書



鍾繇帖

戎路兼行履險冒寒臣以無任不獲扈從命佇懸情無

有寧舍傳方反覆胡脩背恩天道禍淫不終厥命奉被  
嘉嘉意不自勝南蕃東武亭侯臣繇



墓刻 隸

惟晉元康二年太歲在子承開造斯窀穸丙戶口出西  
左參師旨合宮商是位龜筮易口咸口同吾鑿爲除殞  
邪惡奔走于祿百福永施後焉



王濛帖

濛死罪諸葛僕射之弟以情料之當非至困者欲斂其  
賫吏無一在者便以下官賤荅之濛死罪



古刻

豎陽山

長一尺許



又

豎陽山

長一尺許



宋故散騎常侍揚州丹楊郡秣陵縣謝公墓誌

祖瑤字球度琅邪

缺十餘字

夫人琅邪王氏

父頤之字脩年振威將軍東海丙史

父珩字景山給事黃門侍郎散騎常侍光祿勳

夫人太原王氏

父坦之字文度持節都督平北將軍

口口口刺史藍田獻侯

宋故散騎常侍揚州丹楊郡秣陵縣西鄉顯安里領豫

州陳

缺

陽夏縣都鄉吉遷里謝濤字明遠春秋卅有九

元嘉十八年歲次屠維月依林鍾十七日卒其年九月

卅日窀穸揚州丹楊郡建康縣東鄉土山里夫人琅邪

王氏七十有二大明七年歲次單閏月口口口十五日

卒其年十一月十四日合祔

父靜之字口壽司徒

缺

長史義興太守

祖獻之字子敬中書令

嗣曾孫綽



宋故散騎常侍護軍將軍臨澧侯劉使君墓誌

會祖宋孝皇帝 祖諱道鄰侍中太傅長沙景王 妃  
高平平陽檀氏字憲子諡曰景定妃父暢道淵永寧令  
祖魏稚羆琅邪太守合葬琅邪臨沂莫府山 父諱義  
融字義融領軍車騎桂陽恭侯 夫人琅邪臨沂王氏  
字韶風父蘭長仁東陽太守祖穆伯遠臨海太守合葬  
丹徒練壁雲山 所生母湯氏宣城人葬練壁雲山  
兄覬茂道散騎常侍桂陽孝侯 夫人廬江濤何氏憲  
英父愉之彥和通直常侍祖叔度金紫光祿大夫合葬  
練壁雲山 第三弟彪茂蔚秘書郎葬江口口口 夫

人河南陽翟褚氏成班父方回太傅功曹祖叔度雍州  
刺史 第四弟口口軌太子舍人 夫人琅邪臨沂王  
氏淑婉父津景源中書郎祖虞休仲左衛將軍口口江  
乘白山 第五弟季茂通海陵太守葬練壁雲山 夫  
人陳郡陽夏口氏妙口父淑陽源太尉忠憲公祖豹士  
蔚丹陽尹 第一姊茂徽媼陳郡長平殷臧憲郎父元  
素南康太守祖曠思泰口軍功曹重媼琅邪臨沂王閔  
之希損鎮西主簿父昇之休道都官尚書祖敬宏左光  
祿儀同 第二姊茂華媼廬江濤何求子有口書郎父



鎮長宏宜都太守祖口之彥德司空簡穆公 第三姊  
茂姬嬪平昌安邱孟詡元亮中軍參軍離父靈口太尉  
長史祖和彥遠丹陽尹 第四姊茂姜嬪蘭陵蕭惠徽  
中書郎父思話征西將軍儀同三司祖源之君流前將  
軍 第五妹茂容嬪蘭陵蕭贍叔文父斌伯舊青冀二  
州刺史祖摹之仲緒丹陽尹重嬪濟陽圉蔡康之景仁  
通直郎父熙元明散騎郎祖廓子度太常卿 第六妹  
茂嫺嬪濟陽考城江遜孝言父湛徽淵左光祿儀同忠  
簡公祖夷茂遠前將軍湘州刺史重嬪琅邪臨沂王法

興驃騎參軍父翼之季弼廣州刺史祖楨之公幹侍中  
夫人濟陽考城江氏景嫺父淳徽源太子洗馬祖夷  
茂遠前將軍湘州刺史 第一男曰長暉出後兄紹封  
桂陽侯 第二男旻淵高拜臨澧侯世子 第三男嵩  
淵華 第四男量淵遠出後第四弟寔 第五男曰淵  
頓 第六男旻淵平 第一女麗昭 第二女麗明  
第三女小字僧歸亡葬□□

宋故散騎常侍護軍將軍臨澧侯劉使君墓誌  
君諱襲字茂德南彭城人宋高祖武皇帝弟景王之穆

也神姿韶雅風譽夙懋弱冠拜秘書郎逮二凶肆禍人  
倫道消君身離幽執僅免虎口事清還復舊職以母憂  
去官既除又拜秘書郎轉太子舍人自升口二宮令望  
允緝出爲鎮蠻護軍廬江太守莅政平簡聲績兼著遷  
明威將軍安成太守屬中流構豐因表迷逆君英議獨  
發招會如神故能以一口之旅尅濟忠節義超終古誠  
冠當今皇朝欽嘉爵賞取榮除輔國將軍郢州刺史封  
建陵縣開國侯俄徵太子右衛率加給事中未拜遷侍  
中冠軍將軍改封臨澧縣開國侯鎮肅石頭實當關要

之寄遷左衛將軍未拜仍除中護軍春秋卅有八泰始  
六年三月十日薨於位聖主嗟悼朝野傷悲有詔故中  
護軍臨澧縣開國侯志行貞純才用理濟忠勤著於艱  
時勲績倡乎泰運年志始壯奄焉凶折悲傷惻割實兼  
常懷思加寵數以申哀榮可贈護軍將軍加散騎常侍  
口如故謚曰忠侯粵五月廿七日庚寅將葬於琅邪之  
乘武岡以悲幽明之殊隔傷一訣而永分仰清徽而攬  
淚係元石而裁文其辭曰

峩峩口口山岳效靈允矣君子誕膺休禎支蔭帝宇締

慶文明德以行高仁與□□華二宮官政兩服國步  
時屯艱難斯屬忠則忘家義實光族朝廼欽庸以□□  
□□望旣歸□寵惟□或侍帝言或司蕃戎方宏于美  
□□家邦如何不□□□躬□芳稍述日月有時考  
辰筮吉元堂啓基溪泉永窆□□長悲□□□□□□  
□□



宋張氏墓誌

宋故臨渭縣侯湘東太守張府君諱濟夫人邱氏諱靜  
姬第三女推兒春秋卅有一亡於偏憂元徽元年十月

甲辰十七日庚申權假窆窆於西鄉

遠葉蘭飛浚源璇潔履順早辰含章妙歲選史圖容循  
詩範節皎鏡冬泉優柔春蕙漚北忸行營東慙藝冥昧  
慶善宵翳壽仁泣血靈性團憂殲身能景方且摧華載  
春壠木已藹墓草行陳朱火幾爛无夜無晨



石佛識

齊永明二年甲子太歲甲子四月廿日弟子紀德眞爲  
亡弟僧惠敬造釋迦石像追往悼心泣淚友愛願僧惠  
齋神離苦永與福會七世亡靈同生淨土見在眷屬長

保吉口家門雍睦子孫昌熾願果遂亨善無窮  
使蜀於涪陵喪思寺就穎法師造

卅四 康王神道碑

康王神道碑

字長五寸許

十三 故永陽敬太妃墓誌銘

尚書右僕射太子詹事臣勉奉

敕撰

永陽大太妃王氏琅邪臨沂人也其先周靈王之後自  
秦漢逮於晉宋世載光口羽儀相屬既以備於前志故

可得而略焉祖粹給事黃門侍郎父儼左將軍司馬尋  
陽內史並見稱時輩太妃體中和之氣稟華宗之烈蹈  
此溫恭表茲淑慎孝敬資於冥發仁愛口於自然至乎  
四教六訓之閑工言貞婉之德無待教成罔不該備故  
景行著於中口淑問顯乎言歸作嬪盛德實光輔佐親  
縫幕之用躬服澣之勤及早世釐居遺孤載藐提攜撫  
育逮乎成備斷織之訓既明闔門之禮斯洽劬勞必盡  
曾不移志用能緝睦於中外亦以宏濟乎艱難雖魯姜  
之勤節曹妃之敬讓方之蔑如也皇業有造殷憂啓聖

追維魯衛建國永陽恭王纂嗣蕃號式顯廼拜爲太妃  
策曰維天監二年六月甲午朔十日癸卯皇帝遣宗室  
員外散騎侍郎持節兼散騎常侍蕭敬寶策命永陽王  
母王氏爲國太妃曰於戲惟爾茂德內湛米範外昭國  
序凝芬蕃庭仰訓是用式遵舊典載章徽服往欽哉肅  
茲休烈可不慎歟備禴瑱之華而降心彌約居千乘之  
貴而處物愈厚旣而恭王不永禮從□□訓導嗣孫載  
光榮祉年高事重志義方隆宜永綏福履而奄奪鴻慶  
以普通元年十月廿三日遘疾十一月九日己卯薨於

第春秋五十有九詔曰永陽大太妃奄至薨逝哀摧切  
割不能自勝便出敘哀可給東園秘器喪事所須隨由  
□辦祖行有辰式宏茂典又詔曰故永陽大太妃禮數  
有殊德行惟光訓範蕃嗣式盛母儀卽遠戒期悲懷抽  
割可詳典故以隆嘉謚禮也粵其月廿八日戊戌耐瘞  
於琅邪臨沂縣長千里黃鵠山用宣風烈以昭弗朽廼  
爲銘曰

清瀾悠邈其儀尙矣龍光疊照風流世祀猗歟因匱於  
昭不已誕資仁淑作嬪君子幽閑表操明德自躬推厚

處薄秉默居冲參差採笔揜暎言工鑒昭彤管識懋休  
風凝芬載湛芳猷允塞徒舍爲訓止閭成則曹號母儀  
豈伊婦德穆茲閨闈形於邦國龍飛集運禮數攸鍾憲  
章盛典車服有容泰而愈約貴則彌恭蕃祉方茂纂嗣  
克重巾帶差池朝夕咸事雖曰任傳永請斯備是惟仁  
姑厥德可庇恂恂濟濟蘭芬瓊秘光陰易晚祺福難留  
閨儀罷映禴華奄收奠遷朱邸駕指行楸芳口是勒大  
口方攸

〔廿三〕 上清真人壇碑

上清真人壇碑  
字長  
三寸許

〔廿四〕 孝敬寺刹下銘 并序

宗士標造

夫妙覺靈遠隨方應現衣瓶影迹資以護持髮爪齒牙  
咸能利益孝敬寺者公上璣爲亡母楊叔女之所立也  
波斯請生悲號靡曠日殫觀畫泣血寧追卽以三從之  
居建爲伽藍之地舊井無遷喬木猶在前瞻綺陌卻背  
青門寶殿霞臨長廊霧繞寺初欲豎刹導倉令鉏曇誕

忽有雙舍利降之放光滿室止取得一舍利璣訖就曇  
誕云已奉送還臺於御前分身爲六後數日中夜忽聞  
鐘鳴驚視復得一舍利寺主禱法師夢人謂之曰法身  
尋降俄而曇誕送舍利并諸處所送其數有八大同六  
年太歲庚申五月十五日壬戌建刹四眾圍繞歌唄成  
羣綵鳳珠旛含風曜日與大地而長存隨賢劫以永久  
乃作銘曰

寘智絕境應有權歸譬空無迹指日齊暉寶舟潛運法  
雨隨機分形散體調御歸依聿造應真規摹踊現雕飾

彪炳丹青葱蒨寫彼金園圖茲紺殿猗歟清信惇孝斯  
在追慕愷風安親慧海福善隨積薰脩無改陵移谷徙  
暑往寒來衣砒貞石池變淡灰長辭八難永離三災眾  
生有盡誓願無回



又志

梁大同六年太歲庚申五月十五日壬戌菩薩戒弟子  
公上璣奉爲亡母□□女捨所居宅□僧伽藍皇帝□  
賚名孝敬寺願諸佛菩薩龍天□神常加護衛寺舍安  
立僧眾□□證明弟子璣建立功德藉此善根七世久

遠眷屬冢墓寧貼口亡殃殛永使斷絕同生口方無量  
壽國沐浴口口口口口通寤无生恐六道四生皆得解  
脫共登菩提入正覺路現世兒孫長幼並願安隱無餘  
煩惱鄣碍口中妙願皆悉果遂  
知寺事口口釋法精



前陳伏波將軍驃騎府諮議參軍陳府君墓誌  
序 儀同三司周彪撰

君諱詡字孟和潁川許昌人也鴻基浚序有虞之苗口  
若夫姚墟誕聖媯汭降神四門穆穆八表光禪商均不

嗣周聳胡公封建於陳因口命氏鴻臚元方榮書魏冊  
徵士季方高著先賢自下蟬聯並輦繡言史祖僧亮神  
情淡遠素風高奇齊輔國府行佐父敷風儀峻懃雅有  
網格厯至前梁儀同君幼而聰敏長而好學博覽百家  
漁獮九部懸梁刺股手不釋書天才俊拔思若有神文  
章口口動成部帙景純五色之筆江淹用之麗藻王充  
五行俱下都市稱爲口口有集廿卷爲世所重起家爲  
岳陽王雍州西曹轉府記室梁國蕃周將佐送款武成  
元年授帥都督衛州東征王師失律軍潰陷陳同旅督



將七十二人並囚俘檻屬陳相王曇頊初秉朝政虐示國威縱情好煞於望國門並害諸士君於刑所附啓自陳蒙荅貫死漏刃獲生俄而釋禁策名預官授招遠將軍加伏波將軍俄遷驃騎府諮議口國云亡總管秦王招賢慕士迎還并州客禮厚遇辭老還鄉第二息孝騫昆季男女久違膝下忽奉慈顏悲喜不勝如從天落相率盡養日膳常珍則儀狄九醜何曾百品恣口釋心意恬如也同畢卓之酣歌慕阮孚之任放達無遣有識假歸真所製終制非秦始之高墳是王孫之羸葬乃遺命

送終唯令儉薄不許立銘開皇廿年九月廿四日卒於檀溪里時年七十六五男五女男則孝悌著聞居喪過禮女則柔和顯稱婉婉聽從以其口口十二月丙辰朔十八日癸酉歸葬高陽鄉之舊山式鐫序誌用傳不朽

碑陰

君第二叔爽字寶明州祭酒從事

妻太原王氏

第三叔子暢字彥舒法曹從事

妻熒陽吳氏

第五叔孝遠字祥敷梁鎮北府法曹參軍使持節驃

騎大將軍開府儀同三司口江口口口口妻故章

施氏並未入此山

第二弟言字仲厚

第三弟譚字季辯未入此山 孝騫所生李夫人長

息孝柴早亡未入此山 第二息孝騫字裕閔

第三息君卿字闕護 第四息曜口字宏奐

第五息五敏字稚文 第六息思帖字幼集

長女禮閨適梁故儀同郭仲方息元預

第二女藏閨適陽平郡守大都西門忠息瑱

第三女敏閨適明威將軍文昇

第四女四閨適江東長沙王府法曹參軍王不嚴

第五女善才心願出家安居大嚴淨寺

君妻琅邪諸葛氏

江夏縣緣果道場七層塔下舍利銘記

夫至理空冲尋求之源悠緬法身寂怕無方之應奄臻  
至如花疊未然駐影留髮香薪已燎散體分形故有寶  
塔珍龕龕鬼四圍之上雲興地踊照耀八國之中俾我  
聖迹未之湮墜緣果道場者梁天監十二年太歲癸巳  
長史劉端捨宅爲寺有命過僧歸閣梨盡心建造閣梨

降自江口氏族未詳戒慧總持甚有靈驗於是鴻基勝  
趾締構日新三業薰脩七財具足以今大隋大業九年  
昭暘之歲江夏縣緣果鄉長劉大懿等遵依敕旨共三  
鄉士民奉口口齊興道場七層磚塔一所安鎮此地次  
有清信弟子黃慧鵬慧俊慧達等兄弟並德口佳雅難  
兄難弟誓立五根願宏四事於所住宅福瑞累彰亡父  
於大業三年二月乃於食內感舍利一枚大小相歡覩  
茲希有安止水器且浸且浮旋繞久之光明遍室頂戴  
虔禮日申供養到七年正月後女鷄娘又感二枚斯實

迹現難思抑聞圖籍次有弟子李藥王信首宿馳賢才  
簡正雖室無瑞并手闕金錢每用放濟居心傾捨爲業  
以開皇廿年行至常州境感舍利一枚到大業五年於  
所住宅又感二枚昔者阿難捧函如來讚其希有康會  
瓶寫吳主嗟其神異詢諸經誥今古同符以今季夏六  
月八日奉送散身永寔基下眾緣贊助普設大齋方俟  
七級巍峩接霄房而颺采九盤煜曜寶鐸韻而流聲上  
資帝朝爰泊遐邇設使芬盡方城五分之身常住石銷  
天袂金剛之地巖然敢忘議善乃爲銘曰

茫茫宇宙悠悠世開九地銜海四口口山三塗有獄五  
道無關魂隨動泊識口循還至聖何像疑爾悵怕示現  
無方迦維垂迹等救燒燃通悲幽溺息眾權城椎輪火  
宅八十化盡天人喪師撫膺兩淚香水口毗四王典護  
八國均持機緣靡隔靈祥俟時坊墳式建層表臨空非  
因鬼力詎假神王金盤仰露寶鐸搖風山移川徙徽業  
興隆

大唐故汝南公主墓誌銘

并序

公主諱字隴西狄道人皇帝之第三女也天潢疏濶圓

折浮夜光之采若木分暉穠華照朝陽之色故能聰穎  
外發閑明內映訓範生知尙觀箴於女史言容成則猶  
習禮於公宮至如怡色就養佩帨晨省敬愛兼極左右  
無方加以學殫綿素藝兼鞏秩令問芳猷儀形閨闈  
年八月有詔封汝南郡公主錫重珪瑞禮崇湯沐車服  
徽章事優前典屬九地絕維四星潛曜毀瘠載形哀號  
過禮繭纈不襲壇酪無茲灰瑤亟移陵塋浸遠雖容服  
外變而沈憂內結不勝孺慕之哀遂滅傷生之性天道  
祐仁奚其冥漠以今貞觀十年十一月丁亥朔十六日

故祭酒崔十八丈綽常與冠章賀拔基皆以鑒閱相  
尋每稱伏膺虞書多歷年所自會昌已來時觀斯帖  
因致其真隸有加頃年崔丈每送余弟兄下第東歸  
必云此去獲見汝南帖其何減於昇第耶所惜者闕  
其銘文耳咸通三年春於存神室輟獻子凝良足瀆  
愛也幾元

虞書世所傳者孔廟記耳此帖遂可抗行河東薛紹  
彭題

大唐故陪戎校尉崔府君墓誌銘 并序

君諱相清河人也神農之苗胄太公之允緒原夫魚吞  
呂鈞應同載以歸周龍躍崔津表嘉名以誕慶曾祖瓌  
隨任鄭州司馬祖罔父觀隨任豪州錄事參軍或六條  
布政揚至德以宣風或千里輔仁翊公平以闡化君高  
門華緒閒氣清姿椅桐吸日月之光松柏挺風霜之節  
方冀南山錫壽永駐頽齡北帝遊魂先悲過隙嗚呼哀  
哉以開元十年二月廿一日終於私第春秋六十有八  
夫人丁氏蘇氏李氏並母儀婉順婦德惠和移鄰之慶  
早彰舉案之驩夙備庶期千月壽保百齡冀椿鶴而齊

年奄菌蠹而等謝越開元十年三月八日合祔於村西  
北二里平原禮也左滎澤右成臯峨峨飛嶠鎮其前滔  
滔黃河灌其後嗟乎玉樹雙埋金聲兩絕白日杳而三  
千歲黃泉深而幾萬重悲風起而松柏哀淒露泣而蓬  
蒿泣嗣子待賓等瞻天靡訴扣地無追長縈銜索之悲  
永結殮荼之苦銘曰  
東光不駐西影彌催崑山玉碎蘭苑香摧元宵易掩白  
日難開母儀夙備婦德早彰匣中劍折鏡裏鸞亡乾坤  
載合琴瑟重張森森翠柏騷騷白楊千秋播馥萬代流

芳

大唐故忠武將軍行薛王府典軍上柱國平棘

縣開國男李府君墓誌銘

并序

工部員外郎賈彥璿撰

君諱無慮字忠脊隴西人也昔月貫於昴咎絲誕而邁  
德氣感流星伯陽生而啓聖惟彼降瑞因茲命氏曾祖  
貴隨大中大夫延州刺史涼國公皇降封隴西公任切  
分憂寵加勞理朱旗映日皂蓋生風屬隨室道喪我唐  
天啟疇庸錫壤俾崇舊勳封以隴西昭其業也祖斌皇

銀青光祿大夫隰吉二州刺史襲封隴西公□□高□  
御下以寬洗憤清心不言而理襲封本郡昭其祚也父  
□道皇金紫光祿大夫汾州刺史股肱之郡公輔之材  
克著政□尤□人望遷鎮軍大將軍左驍衛大將軍上  
柱國襲封隴西郡公武庫森森縱橫矛戟智囊□□□  
□風雲煥乎鉤陳設在蘭錡乃祖乃父自公自侯昭其  
貴也君衣冠奕世禮樂□賢慶藹炳靈光昭茂緒大君  
有命入衛天和階□□呈祥仲由負三軍之勇□領標  
異班超封萬里之侯弱冠於清邊軍立功授游擊將軍

左衛長上明略經濟雄心英果尅清祆孽飲至天庭師  
出以滅功宜上賞朱紱斯曜可不偉歟無何轉授鄜州  
鞏川府右果毅時關內按察使強介以君幹蠱奏攝會  
州司馬又改授同州洪泉府左果毅仍令長上一貴一  
賤喜慍不形於色或出或處寵辱無戒於懷位□題輿  
□申龐統名參都尉負屈曾洪有敕差充□野軍副使  
舉不失德勤不告勞展充國之務農輟揚雄之執戟軍  
儲是給□馬賴焉尋爲太原節度使李暉奏授薛王府  
典軍蔽扞雄城趨侍□□每入招賢之觀時陪樂□之

遊習習雄風和而扇物粲粲口口寵而益口青春始華  
元夜闕景歲不我與天奪其運以開口十七年五月七  
日終於靜恭私第春秋六十有二以其年六月十一日  
歸葬於萬年縣神禾舊京陪先塋禮也嗚呼哀哉賢王  
端憂故人啜泣垂天之翼必鏤於紫霄經國之材俄辭  
於白日遂使瑤林瓊樹瘞松草於佳城龍章鳳姿沒風  
煙於口口嗣子口庭等孝履增感攀號無訴恭陳遺事  
俾刊豐石銘曰

公侯之子兮累代其昌河岳之秀兮爲龍爲光克岐克

疑兮發言有章立功立事兮厥政其芳天何爲兮速罹  
其殃哲人萎兮爲代所傷飛旒翩翩兮出帝鄉素車透  
遲兮面龍岡閉以太隧墜於便房勒勳鍾鼎畫像旗常  
日黯黯兮愁欲暮風蕭蕭兮悲白楊

井識

韓公井

闊六寸許

在驛東卅步楚昭王廟西神嘗恡焉古今莫敢窺者  
近日山南採訪使韓公誓責其神親酌而飲白爾汲  
者一無災癘遂號韓公井





唐徐氏山口碣石題刻

至德二年上在鳳翔制應扈從口中書門下口口口上  
各贈父祖一人官口口口口任中書舍人兼尚書右丞  
集賢殿學士正月廿八日制贈公尚書吏部侍郎及上  
還京廣德元年八月廿七日制復贈公嗣子故銀青光  
祿大夫洛州刺史上柱國嶠之左散騎常侍洛州府君  
歷典趙衢豫吉湖洛六州開元廿四年薨葬於洛陽石  
橋東北十里浩自吏部侍郎貶明州別駕歸鄉拜埽換  
山口碣石題此額篆仍錄贈官其敕詞並存於別記云

大歷九年歲次甲寅十月丁卯朔六日壬申刻

曾孫朝散郎前行河中府永樂縣尉瑄模勒

姪孫璟檢校

隴西李坦然鐫



題詩

五言

寶林寺作

會稽公徐浩

茲山昔飛來遠自琅耶臺孤岫龜形在淡泉鰻井開越  
王屢登陟何相傳詞才塔廟崇其顛規模稱壯哉禪堂  
清潄潤高閣無恢矣照曜珠吐月鏗轟鐘隱雷揆余久  
纓弁末路遭遭迴一棄滄海曲六年稽嶺隈逝川惜東

古苑叢書  
三  
駛馳景憐西頽署帶愁疾減容顏哀悴摧賴居茲寺中  
法士多瓌能洗心聽經論禮足蠲凶災永願依勝侶清  
江乘度杯

謁禹廟一首


眈滄敷四海川原滌九州旣膺元圭錫乃建洪範疇鼎  
革固天啓運興匪人謀肇口宅土業永庇昏墊憂山足  
靈廟在口前清鏡流象筵陳玉帛容衛儼戈矛探穴圖  
書朽卑宮堂殿脩梅梁今不壞松祔古仍畱負責故鄉  
近竭來申俎羞爲魚知造化歎鳳仰徽猷不復聞夏樂

唯餘奏楚幽婆娑非舞羽鏜鞳異鳴球盛德吾無聞高  
功誰與儔災淫破凶厯祚聖擁神休出谷鷲初語空山  
猿獨愁春暉生草樹柳色暝汀洲恩貸題輿重榮殊衣  
錦遊宦情同械繫生理任桴浮地極臨滄海天遙過斗  
牛精誠如可諒他日寄冥搜

李坦然模勒并鐫

一詩舊以一石反覆刻之爲好事者持歸京師今在  
宣獻宋公家僕領浙東從次道得刻本命筆史摹傳  
畱賓郡齋然亦不能盡得其真熙寧己酉秋七月辛

未精思堂西軒題



唐故朗州武陵縣令博陵瞿府君墓誌銘

八分書

府君諱令

圭

其先本博陵越人也蓋帝嚳之末裔

口口口口晉永嘉二年遷於南楚曾祖詮皇長沙縣令

大父口口口口口口口口軍考曰智皇國子助教纂承儒

業口口口口向二百年口口夫人南陽張氏世傳冠蓋

奕葉簪纓府君則國子監助教第二子幼而孤天口口

口弟更相誨訓未嘗住師口歲業成各登口第府君以

口口口解褐曹州棗氏縣口口口口任標口邑口口元

年遷峽州長口口口百里稱賢頌口口口大厯口口口

安州雲夢守節奉法猾吏秉心貞元歲授朗州武陵去

獸逾口逋亡口口從官四任口政大夫以口口字人口

稱其善公庭訟息口館口口慎始令終府口口口武陵

謝秩東告於歸南維舟眾人瞻仰凡廿八載守道口仕

何圖皇天不弔降此哀禍嗚呼元口何昧口口材賢時

貞元十二年龍集口子三月遘疾七月庚寅口於口縣

私第夫人廣平程氏令淑有聞威儀組紉敬事口先姑

口口口以大厯年先府君而終府君享年七十有八有

子三人長曰劬官至左衛兵曹參軍次子伾鄂州武昌  
縣尉少曰侶口州口口縣尉孤子劬等口茶淚血號訴  
聞天視庭戶而蕭條觀空堂而寂寞長幼孤露一門無  
恃以其年十月四日遇青口之吉歸耐於鄂州江夏縣  
長樂鄉順化里黃鶴山西口之原禮也孤子劬散口亂  
口號泣口銘謹以為誌銘曰

於戲口口口口著則其積善於家肅穆清華其克儉克  
勤榮祿口親其四從歷口一門承蔭其天道何昧降斯  
災害其神道胡欺邁此禍口其冀口眉壽皇天不祐其

庭闈蕭索孤幼無託其驚魂慘色哀號罔極其痛割心  
腸仰訴穹蒼其壽堂伾啓遵其經禮其一口口土口刻

口古二十

孤子劬述并書



唐故寧遠將軍守左金吾衛大將軍隴西李公

墓誌銘 并序

從姪鄉貢進士藝通撰

夫為淳源支流一派後楫先軌者蓋紐宗子相襲焉由  
是士口時望扇扇和風昔附載簡書何必獨於前聞也  
公諱宗卿字同系臨汝郡人曾祖蘭州刺史日周祖朝

散大夫嘉州麟遊縣口瑱考朝議郎泗州虹縣尉援本  
以敦序口祖訟訓於孫忠孝口時衣冠及位公遁亮取  
時宏性測椒勵躬祇虞克事湮窮固能并仁緝家兼難  
濟國摻節侔措拖義爲紳常以顯口口口隱融清猷與  
友生評談志非苟進會干道並泰則何宦而口口自董  
武崇階摠兵六郡樹勲江佐恩旌一門口口宗族處朝  
襄交在位隙伺內廡冀乎政名中年達身口人所貴而  
公植其風忽遺其命也時貞元十三年歲次丁丑口二  
月二十九日終於夏口官舍嗚呼春秋六十有二夫人

汲郡康氏毀躬慟號殆不全性長子德芳次子直方宏  
方季子幼方等主奠彌天哀罹若滅長女適於河南元  
氏先公之淪次女十六娘已許於天水趙氏幼女十九  
娘歸於釋門皆茹泣貫心口於感巷以是年夏五月十  
一日權殯於長樂鄉黃鶴原西山之陽禮也於戲條榦  
挺空而見摧君子不幸於中口口口旒將必竭  
於生誠藝通忝殊眷孟伯之子恭命爲詞口口口敢  
不殫於瓌述銘曰

杳杳邃氣澄澄汪容自仁其性飾已惟邕顧巖作度口

□□□<sup>其一</sup>噫云夢奠倏歎頽梁隳輪阻轍彫翮沈翔代  
□馳□□□□彰<sup>其二</sup>曙興神輦告赴原塋却負山勝前  
據郊平□□哀□□□至情<sup>其三</sup>

**卅** 唐故許氏夫人祈氏墓誌 并序

夫人字芳太原人也先伊耆氏之胃封爵列位皆附舊  
史故隱顯不言因遠祖居毗陵今為毗陵人也祖觀父  
昇並高尚雲林獨立不懼積慶儲趾是生夫人夫人即  
昇之長女也年始初笄歸於許氏輔佐君子協和中外  
其儀可範其德可大貞順模於九族婉婉美於當代嗚

呼上天而假其德不假其永世之壽是足可悲以貞元  
廿年七月三日寢疾卒於□孝鄉唐昌里之私第春秋  
五十有二以貞元廿一年孟春月三日安厝於震澤里  
之原禮也夫人生二子長仲宣次仲康並哀疚悚心窮  
號泣血懼山谷之遷變乃勒刻石而為銘  
振振夫人有德有操積為善慶自己所蹈彼蒼何偏而  
不斯報□□□吉永閉荒□二子泣血罔極昊天慮日  
月之口遷乃刻銘於墓前

鄉貢明經李師聖述

五 大唐故太白禪師塔銘 并序

胡的述并書 學鍾

禪師法號觀宗得姓雷氏東陽人也世積貞隱元泯不  
耀初尊夫人夢吉祥天女引行摩利上宮而娠太白焉  
口有善護懷月不薰不腥肌窈彌澤藏珠川媚蘊玉方  
流至寶處而殊倫至人出而體別異香襲乎襁褓童顏  
清乎冰雪文字進誘偏聰佛經滋味筵之但甘鹽素年  
至十二懇求出家如哀者欲淚不可遏也昔太子逾邁  
寧辭父王香烏頓騰擺落羈紲乃登秦望山禮善惠禪

師求無上法一見奇秀如會宿心舊徒門階新我堂室  
服勤左右道務精微初受楞伽思益等經便入禪宗性  
海然後波瀾秘藏不習而了其功文字有窮生知莫際  
囊鉢衣襪遐求戒珠便往南岳禮制空禪師稽首論心  
演通秘奧菩提樹上汝得新枝師子座前詎量高下祖  
師傳教南北一十二人今牛頭山中禪師是最後者遠  
將啓慕研復真言以心印心以法證法法且無別心寧  
有差夫人善無脩頓了無入二際清淨佛何間然禪師  
兒出常倫挺秀八尺時牛頭法眾欲近万人無礙辨才

古刻叢書  
三  
□□瞻仰彼土緣盡思歸太白上方務安靜也不遊京  
國遠名利也局不關樞示無畏也常有兩虎依臥庵前  
低目輕步馴於家畜四境之內不聞暴聲我蘊大慈力  
感羣物諸毒皆善豈唯獸焉山雖高深不能隱其大德  
遠近禮謁如川之流故明州刺史王公術故明州刺史  
李公岑故劔南東州節度行軍司馬檢校戶部郎中任  
公侗故明州刺史盧公雲前後皆駐騎雲根稽求上法  
飢渴無量虛往實歸每有異香聞者非一嗚呼孰謂法  
梁將壞般若舟沈元和四年八月十五夜跣趺化滅享

齡七十九僧臘卅九以其年十月一日權閑於太白峯  
南先意也州尊邑尹祭奠交衢緇素齋口幢幡翳野慈  
雲聚而還散定水咽而更流猿鳥悲吟聲慘風雨物感  
如此人哀可知抵元和乙未歲建層龕邇於多寶佛塔  
依像法也門人口海法常道眞明徹惠見光獻元徽清  
瑗元悟等皆承師教戒定慧雙脩恐劫火重然嵐風碎  
岳請銘大德於無朽文曰如來示滅教畱秘法言說非  
傳清淨卽合火鏡陽照山空響答其眞乘無相妙覺無  
形三界上界前生下生月虧魄隱冰泮流清哭之香塔



徒傷有情

□□□力季文鐫



唐故江南道觀察判官監察御史裏行太原王

公墓誌銘

并序

表姪前諸道轉運推官將仕郎試大

理評事許志雍撰

公諱叔雅字元宏太原祁人也其先食采於祁因邑命  
氏軒蓋蟬聯奕葉□茂忠貞孝友史不絕書素風懿範  
繼華紹烈誠有國之柱石爲令族之領袖五代祖祐周  
驃騎大將軍開府儀同三司光祿卿隋拜司空兼中書

令諡曰忠烈忠烈生皇朝比部郎中資州刺史師感公  
之高祖也資州生朝請大夫澤王府司馬清源縣開國  
男守節公之曾祖也清源生渝州刺史贈懷州刺史□  
一公之王父也懷州生金紫光祿大夫試秘書監兼御  
史中丞衢州刺史贈揚府大都督諱承俊公之先考也  
以中書之勲烈比部之令望清源之宏茂懷州之懿德  
中丞之雄邁世濟其美慶鍾後昆公卽中丞第四子也  
弱不好弄幼而能文一見不忘有類王充之敏五行俱  
下不慚應奉之才爲善孜孜小心翼翼恭敬以奉上篤

愛以臨下接士必盡其材脩已不疵於物於是鄉里揖  
其仁朋友伏其義時秘書郎嚴維有盛名於代雖以公  
年幼交契老成若蔡邕才重拔王粲於弱齡李膺望崇  
歎孔融於稚齒嘉其至性敦重機□深邃每器而厚之  
時攜幼弟適郢乃賦詩以贈云萬里天連水孤舟弟與  
兄時屬而和者連郡繼邑染簡飛翰暮月不息絲是聲  
華籍甚於公卿閒郡舉進士纔及京師動目屈指傾蓋  
結轍爲禮部侍郎劉太真深見知遇再舉而登甲科浹  
辰之間名振寰宇俄爲山南東道嗣曹王臯辟爲從事

丁太夫人憂服闋調補左衛率府兵曹參軍環衛望高  
以優賢也未幾爲嶺南連帥韋公丹舉列上介表遷左  
金吾衛兵曹參軍蓮府才雄軍門瞻重每□徐孺之榻  
獨奪陳琳之筆屬本使節制東川府幙遂散邀公獨行  
奏遷廷尉評兼監察御史裏行以南康缺牧假行刺史  
事盡閭里之情祛疲薶之疾人得歸厚吏不敢欺歲月  
之間□□增□復□臨川□南郡之理仁風所被清議  
攸彰無何寢疾經時沈痼以元和四年正月七日告終  
於洪州南昌縣之官舍春秋五十有五嗚呼哀哉以公

之孝可以動神明以公之忠可以□社稷以公之德可以反澆漓以公之仁可以厚風俗有一於此卽爲全人況其□者乎奈何天不與善奪□重器民不幸歟夫人河東薛氏故禮部侍郎□之女族謂清門家稱令室以□謙睦中外以端□奉□□公以伉儷之重加於人一等如賓之敬禮若常林居家有恒情如顧悌由是時論多之有一男一女男曰高陽女曰吳婆皆在孩幼哭無常聲公雖臨郡佐幙以清潔自約祿俸所入皆均親愛故不勝其貧輜車旣還亦無以葬於時□南西道連帥

御史大夫韋公丹以公賓四府始終如一感歎追舊情均支屬賻貲百金加以將校護喪聞者伏其高義以其年十月十三日歸窆京兆府咸陽縣之延陵鄉附先塋禮也此志雍親同懿屬義比斷金見記斯文銜哀永歎銘曰

汪汪王公德門之秀儒宗賢士茂族華胄忠爲信臣義稱良友器逾瑚璉人推領袖何備其能不豐其壽嗚呼哀哉歲月云邁言歸鎬京綿歷舊遊想像襟情倏已終古閉於佳城蒼莽日落蕭颯風驚寒原故里丹旄新塋

嗚呼哀哉盛德無窮傳今與昔闕於元壤斷茲貞石陵  
谷是遷令問不易泣下漣洏氣填胸臆嗚呼哀哉

猶子鄉貢進士楚卿書

十 大唐扶風馬氏墓誌銘 并序

廿三娘郎郎姪姪扶風人也故侍中太原尹子曾王父  
故太子諭德兼兵部郎中子大王父故鄂州州從事子  
之先父也子生於珥貂之家育在統綺之室笄年廿歲  
灼如薜英期偶適耀口口我後嗣何華而不實祉福不  
臨以元和八年七月三日洪水蜀來浸溢夏洏合郭為

患顧此之遂假官航以虞墊溺豈家臣失泝馮夷幸災  
巨舟云覆相次淪沒嗚呼慈親腸絕天倫氣摧存歿路  
殊終議元隧以元和八年八月四日窆於先父塋側禮  
也恐陵遷徙乃紀銘云

伏波有女青娥艷陽馬氏有男白眉最長於口口口彼  
天何殃豈春華之躋景同淪沒於舟航嗚呼生則同氣  
歿為異穴捨慈親之恩愛侍先父之塋闕痛纍纍之古  
原口口口之永訣

唐故東莞臧君夫人周氏墓誌銘 并序

進士張師素撰

夫人姓周氏其族望本乎汝南今爲陽羨中江里人也  
祖莊父俊皆不尚名宦抗跡邱園孝悌謙恭仁行昭著  
夫人淑慎貞賢溫柔令範自禮歸臧氏之室而琴瑟協  
和遵孟氏之風規有班家之令譽嗚呼元宵降禍大夢  
忽臻未偕知命之年奄促泉臺之痛以元和十三年歲  
在戊戌三月四日終於義興平西里之私第享齡四十  
有四亦以其月甲申廿六日己酉安厝於中江血漬東  
北之平原周氏祖業之園地蓋從龜筮也有子曰奉言

始童卯有女二人長未及笄俱號訴之無依恨慈容之  
永隔恐桑田變易陵谷傾頽故勒紀貞石乃爲銘云  
雙劍光芒兮嗟一沈鳳歸杳冥兮鸞孤吟撫稚子兮淚  
盈襟悲摧樹兮愁雲深

 唐故河東裴公墓誌銘

并敘

前鄭州滎澤縣尉王鉅撰

公諱昌字仲達其先河東人也保姓受氏其來遠矣洎  
永嘉之年衣冠南渡風流遺烈代有其人禮樂摺紳顯  
於家謀曾祖元凱祖明達父仁安並微懿盛才昭振前

世文叢書  
列望高族茂勲華貫時公卽府君之第二子也稟淳和  
之性有堅貞之操以德行立身以仁信交友志尙閑逸  
不以祿利爲榮是以不屈節折腰耽玩琴史實朋執之  
龜龍仁物之衡鏡隱淪混跡洞達窮通道在其中矣於  
戲有至行不享其福壽者其斯之謂歟以元和十五年  
正月十七日遇疾終於長沙郡湘潭縣之江次享年八  
十五嗚呼夫德立而人世不稱行成而幽靈無報短長  
之制命耶以先塋松柏陪葬尙賒禮許從權乃於上元  
縣鳳臺鄉梅頂岡之東北原別建兆域以其年八月二


日權窆焉從吉兆也夫人吳郡朱氏淑慎忠厚行成閨  
門內政有敷義光詩史有子五人長曰興次曰幹次曰  
超次曰孚詩禮垂訓教及義方識度自然哀不逾禮幼  
子曰祐先公而亡有女二人長適彭叔雅次適蔣幹皆  
蓄令德事舅姑有聞蔣氏愛女早謝浮榮亦先公而卒  
令子慮陵谷變遷見託斯文採摭行能勒銘貞石其詞

曰

於惟裴公凜然循德在醜不爭惟人是則樂天知命道  
達通塞栖心雲水處事寂默泐漢沂江東西南北

其天

胡不惠哲人其萎大樸已散淳風不歸丹旄翩翩新隴  
巍巍泉門一閉與此山垂其二

 題名

張公洞壁記

楊漢公 陶揆

長慶四年六月廿六日

 又

東坡居士自黃適汝艤舟亭下半月矣江山之樂傾想  
平生時與 德 元豐七年七月十四日蘇子瞻

題

 又

前檢校戶部郎中兼興元少尹攝御史中丞賜紫金魚

袋楊漢公

嶺南觀察推官試秘書郎校書郎鄭薰

 又

臨川王旁登千佛口

大和七年六月

沈傳師

徐鉉

可飛

治平四年九月

可飛

張稚圭稚游



又

府君同至此脩謁 會昌六年六月十一日高璩 高

蘭英 高望之



唐故越州衙前總管杜府君墓誌銘 并序

亡妻隴西郡李夫人合葬為墳

山陰沙門東又述

府君諱□其先□□□乎□詩曾祖系祖珍名宦不敘  
欲略故也府君氣宇英明風神雄大□□門之緒且時

從□傑□□□展伏波早世天命□□賢良所嗟大和  
三年三月廿六日私第而故享齡六十以其年四月廿  
四日卜□於山陰承務鄉九里村馬□之地宅兆之禮  
也夫人李氏元和十二年四月二日先夫而終內則令  
範可傳女史今合祔墳瑩蓋琴瑟榮枯嗣子師素弓裘  
克繼泣血茹□哀號事喪帖瞻肥贍□雷在□風悲拱  
木月□佳城恐山谷遷動勒銘萬古詞曰  
府君之生材□□□祿位文武猗歟命名天命何欺遽  
違人世喪親怙恃窳窳俄□哀孤孝子荼毒肝腸奉柩



扶護合葬龍岡松柏新栽風光萬古佳城異代刻石泉

戶

十七

唐故右內率府兵曹鄭君墓誌銘

并序

潁川陳齊之撰

昔鄭桓公爲王卿士始受鄭於周因封命氏漢魏以降其族滋大有唐以來口華口軌君其裔也曾王父璿河南少尹王父溥尙書右部郎中歷青邢相衛充幽懷七州刺史入爲左庶子皇考華駕部郎中吉州刺史仕濟其美時與其能君卽吉州之少子也隱不違世顯而成

晦於所與以義於取入以口以口游江湖而無所累也君諱準字口道其先滎陽人有憲也之貧口口口之貴人之於此皆不堪其憂君之於此而未嘗滑其口口口口爲知命也大和四年正月二日遘疾終於蘇州華亭縣白沙鄉徐浦場之官舍享年六十有三有子五人嗣曰宗儒次曰宗韞次曰宗慶次曰宗遜皆銜恤茹哀克奉先訓又一子奉釋氏教端嚴清淨脩無生忍其名曰宏直嗚呼伯仲叔口於執喪之禮皆得順變口以其年秋八月廿五日權窆於義興縣洞庭鄉震澤里下朱村

原從宜也有女二人皆在沖幼五子以余有往年之舊  
請文於余銘曰  
其生也天其死也天死生皆真兮何適非然嗚呼苟不  
達於此哀何勝焉

**廿四**

唐朝請大夫試絳州長史上柱國趙郡李君故

夫人京兆杜氏墓誌銘

并序

從弟將仕郎守宏文館校書郎

宣猷撰

夫人諱瓊字瓊本京兆杜陵人後因家邢州遂爲邢之

堯山人焉曾祖知慎皇將仕郎守冀州南宮縣尉祖昌  
運皇守忻州定襄府左果毅上柱國父栖巖皇朝散大  
夫試左武衛長史夫人長史之叔女也笄年歸於李君  
明正清劭輔以材能落落焉有賢傑之操閒歲李君隨  
牒襄陽夫人亦來漢上宣猷與夫人別業接連得敘宗  
族日漸月深情同密親始予隨進士貢路出漢濱時寓  
夫人里第稅駕之後徒馭如歸開顏拂之主禮甚渥李  
君賢厚少事以儒書自適門內之治實夫人主之其奉  
夫也以敬其訓子也以義其睦親也以誠其接下也以

德吹惠布明家政煥然舉是而言雖賢丈夫何以過也  
嗚呼材智方遠光景不借以大和五年十二月三十日  
薨於襄州旌孝里之私第春秋六十五明年十月十一  
日安厝於襄陽縣習池鄉之西把里夫人生二女二男  
長女適太原王儀次女適扶風馬寧長男德元次男德  
章德元幼奉擇鄰之訓明經擢第釋褐隨縣尉德章休  
依然亦以詩禮光業今則泣血崩心若無所容先遠有  
期託予誌德濡毫寫悲不羞不能銘曰

杜氏之先陶唐同源遠派搖漾爲傑爲賢夫人體之令

範昭然身同朝露門閉幽泉刻銘片石千年萬年

唐故馮府君墓誌銘

并序

府君諱倫字寰周長樂人也曾思但祖琰父璋俱養性  
邱園高尚不住府君卽璋第三子幼而簡約長而宏雅  
恬然自處不趨世利禮則凝重器宇沈深雖榮之與辱  
不能動其色忘言得意忻忻如也輕財重義博識多能  
理性內融徽猷外發男宮造立身恭謹色養兢兢二女  
令淑有聞各娉他室嗚呼斯人不保遐壽少乖攝衛伏  
枕彌旬藥術無徵奄隨風燭以大和七年八月一日終

於私第享年七十府君歿也陰雲暗慘烏雀悲鳴至理  
元微天何可問男女迷謬叩地號天閭巷傷聞爲之慙  
默夫人陳氏蓬首灰心沈哀骨立徒想瓊田之草無復  
返魂之香以其年十月十五日葬於江夏長樂鄉射亭  
里之原禮也北背黃鶴之嶺南瞻八口之峰恐年代浸  
踈川原變易剋石記事永將不易辭曰  
日月至明尙有盈缺邱山至壯尙有崩裂感彼馮君隨  
波生滅時惟孟冬析析悲風凝陰蔽野苦霧霾空敬立  
斯誌千載無窮

大和七年歲次癸丑十月癸未朔十五日丁酉樹

**七** 般若波羅蜜多心經

觀自在菩薩

云云

弟子王瑗

妻賈梅檀智

男元佐

元儻同贖

此經

**五** 唐胡府君夫人朱氏墓誌銘

儒林郎試左金吾衛長史上護軍

明援撰

胡府君安定人其先分氏於舜曰胡公滿之後也綿歷

載代□賢顯赫以元和十二年十一月四日先十七稔  
而終祖考□諱仕進文藻暨府君德行名節男婚女媾  
□具前誌故略而不書夫人族望沛國累世因時播遷  
今爲江夏安陸人也曾祖大父載在家牒考諱璧遊心  
物外守□□□志道忘情不屑時務可謂邱園奇士聖  
代逸人焉夫人卽處士第一女也柔惠懿淑婉婉雍妍  
禮樂□□女工□解年及乎笄歸於府君琴瑟克諧澣  
濯示儉箕帚旣恭蘋蘩式潔閨門以睦宗族以和中罹  
府君之艱痛鵲枝之半折恨龍劍之偏沈撫□盡哀秉

心全節惻愴蹙慕寒暑載移於戲吉凶倚伏幽微□明  
德禮彌高年齡忽落以大和六年□寢疾明年正月十  
□日終於江夏郡中和里之私第享年八十有二越二  
月廿□日合葬於黃鶴山之南原府君之塋遵魯人之  
祔同皎日之詩禮也嗣子真等皆發□受鋒觀材見寶  
孝心塞乎天地而橫乎四海豈止於泣血終喪感深殞  
絕而已哉以援曾預□親之友奉命述其盛□云銘曰  
嶽巖黃鶴□巒傍薄邈迤南岡形勝北□合祔舊域威  
儀不忒猗那夫人德禮難□閨壺朗澈松筠表節地久

天長桂馥蘭口桑田變海貞石不改



德本寺碑陰

胡季良纂

學晉

昔杜氏集解春秋其有關於魯史者附為後序今建莊之始即居士徐君導之置也以徐君有善亦削之於石也君世居寺之後石橋橋路多墊溺乃議於鄰之左邱君曰榮謂開通道路儒釋共緒欲展其利必垂其跡況為鄉邑往返之大利哉大和六年春自前石橋趣後石橋達於所止凡一百卅五步琢凌雲之石鎖積虛之土

條堅質以界道較繩墨為地面功成也有若梅天澍雨同落澗而驟傾臘雪凝冰等高崑而益固則智起二人跡垂永躅其石路與石橋之名相次不朽

大和八年三月十九日建

陳德芳刻字



嬪吳氏墓銘

并序

處士胡季良述并書

口口標於史冊關雎著於詩首即口口口一貫也安君令嬪渤海吳氏口口儒奉道為鄉閭之令望以夫人口口女長為孝婦口於嚴母全之也口口人為善惟日不

是以大和九年□□五日終於烏程縣臨苕鄉之私第  
年五十有三比盛年則非夭折□□□痛青春卽以其  
年五月廿八日□□雪水鄉仁王寺之西安君感其□  
□□遵蒸祀買石誌德紀之□□子曰師敏承□保終  
於禮也石□文以□詞曰  
仁王山兮寺西園孤墳寂寂兮閉□□□婦德兮黯黯  
孤魂平生義□□□石誌言



唐王府君墓誌銘

并序

戴仁而處抱義而行者卽瑯邪王府君公諱仕倫字文

迴其先晉右軍一□□代孫也曾祖璆皇祖恩皇考良  
忠貞不士公春秋五十有七以大和九年六月廿二日  
終於暨陽之私第嗣子宗志次子劉老稚年荼毒泣血  
絕漿以當年八月廿九日葬於故朱夫人之同塋所也  
山連藥王之岡地□建興之壘且離城郭不逾一里去  
人煙十步有餘焉恐山川遷變乃刊石爲銘  
賢哉哲人抑抑秩秩無嗜輕佻好求之質云何積善而  
邁斯疾悲古青松哀辭白日萬古千秋於焉永吉

鐫人武鄰章武及并書

九 唐故處士潁川陳氏公墓誌銘 并序

鄉貢進士武陽李义撰

陳公諱韞字韜光西漢太邱長寔之遠裔也曾祖晏祖  
口先父澄借高蹈不仕浪跡人寰以處默為輪輿以軒  
冕為桎梏教垂嗣允德冠我公作隱遯股肱為口山浚  
峭峻義方而口屬不聞宏心計而資給豐饒口用身安  
降年有永故春秋七十有八矣所宜溢斯上壽口有中  
庸誰謂劔沒延津珠貽淮水以唐口成三年二月二十  
七日寢疾於江口縣之私室口口口年四月七日歸祔

於順化里黃口口口口口塋禮也夫人譙郡曹氏先公  
三祀而口口口子口立口瘠綿頓幾不勝哀服懃經營  
面垢口口口口口有禮號慟而行路無聊仁孝光口  
以口父口二口口滎陽潘氏婦儀母道自彼抑揚豈不  
性口口公口口有自於戲言猶在耳音容已緘哀口臨  
岐誰無怨口义以曾蔭德字忝識前脩實錄遺芳刻於  
貞石銘曰

口德門所嗣兮退藏是先名與身孰親兮道在保全福  
壽所資兮天降永年遺芳不替而蒸蒸义口口口口兮



□□□前

四九 故天水姜夫人誌銘

大唐故駙馬都尉天水姜慶初女適故殿中侍御史劉元質享年七十三於開成三年十月一日歿於鄂州私第以其年十二月廿一日權厝黃鶴山南原禮也懼陵谷之多變故爲斯銘用紀悠久之祀

誌蓋題云 新平公主女姜夫人墓

廿九 唐故鳳光寺俊禪和上之墓銘 并序

和上諱常俊俗姓張氏清河人也皇祖疰皇考李卽李

之第二子卯歲出家年齡七十僧夏卅奄自會昌元年五月十五日示疾歿廿以其月廿六日遷柩於常州無錫縣太平鄉□村東一里官河西八十步張宗祖墓中卜其宅兆庚首而安厝之禮也有門人文則元通伯昌族兄秀姪令容等懇痛哀摧涕淚交結恐陵谷遷改桑田變移塋域無徵乃刊磚而爲誌銘曰  
禪宗內紐法印心□□弃浮生歸乎寂滅

四十 題詩

去東林

峯頭不住起孤煙池上相留  
有白蓮塵網分明知束縛  
要須騎馬別雲泉

會昌三年七月十三日秘書省正字曹汾題

此詩在曇珙碑陰塵土昏塞無知之者至和三年春  
二月陳國表陟來遊山徧挾奇跡始發其晦東林詩  
多矣未有如此篇之意完而美者因題以永之汾開  
成四年崔蠡下進士後爲中書舍人戶部侍郎忠武  
軍節度使實丞相確之弟也

四十一  
又

題山泉云可致清川廣難量利物功涓流此山下誰識  
去無窮

大和九年正月廿八日宇文鼎

京路馬駸駸塵勞日向深蒙泉聊息駕可以洗君心

寶曆二年四月沈傳師

唐故銀青光祿大夫使持節蔚州諸軍事行蔚

州刺史兼御史中丞馬公墓誌銘 并序

朝請大夫使持節汾州諸軍事守

汾州刺史楊儉撰

公諱紆字無畏扶風平陵人曾祖行琰媯州刺史祖千  
龍平州刺史父實右驍騎將軍御史中丞並有功幽薊  
書勳竹帛公卽中丞第廿五子幼有奇節性惟聰悟見  
古名將勲業之事未嘗不廢書發憤沈吟久之口寄河  
朔志蕃王室欲變風俗期乎坦夷遂委質戎府累遷魏  
大將自天寶末胡羯爲亂雖克勦口口翻恣驕兇以故  
將帥帶州連郡朝貢罕至而魏博諸田相繼立元和中  
上以文德武功定叛亂雖魏帥詐順尋亦如舊大和初  
滄帥李全略死子同捷盜襲其位先皇震怒徵兵討之

魏帥以封壤連接潛相應援時中書令裴公掌兵柄謀  
撓魏事公以才辨爲戎率知每有奏請獨當其任遂申  
密款於裴公天子嘉之乃大張皇威深述聖旨開向國  
之福戒覆巢之危帥立歸誠未幾王師大捷而同捷就  
戮萬夫解甲兩河肅清公始謀之力天子以公忠果可  
任大事拜左武衛將軍後出爲寧州刺史在郡有聞堂  
帖赴闕拜右領軍大將軍至開成中博陵更帥丞相進  
口取可繼作者以蔚爲口鄰口易遷就乃拜公蔚州刺  
史兼御史中丞洎申謝文宗皇帝臨軒歎賞面許重事

以遣之既牧安邊公綏戎以德撫下以恩野無南牧之  
虞俗講東里之禮三年去任執轅遮道者口路蔚人思  
公令德日口聞於廉帥廉帥聞於朝廷又拜蔚州刺史  
口口口疾尋口西河上聞之惻然候疾愈方授以大柄  
神不庇善以會昌四年三月十日終於所寄之第享年  
五十六嗚呼才長壽促志遠途窮口廣所以爲有識所  
歎公兩娶裴氏張氏皆名族生一男二女男補太廟齋  
郎娶徐氏次女適裴氏長女在室卽以其年七月十日  
歸窆於關中少陵原附其先塋合元妃之墓禮也銘曰

皇道漑漑天寶末盜弄干戈自胡羯滄帥死兮有餘枿  
魏爲親鄰志相活河海橫流馬公遏溟盜亟誅天波闊  
忠義克彰遂聞達天子臨軒歎賢傑將香邊陲口勳烈  
將分符竹後口鉞所理蘇息無饑渴才有餘兮志未豁  
長衢方騁摧輓軌彼蒼者天何謁謁嗚呼馬君道消歇  
中壽未登神奄絕唯有雄名流不竭

唐故陸氏廬江郡何夫人墓誌銘

并序

大唐會昌五年乙丑歲孟夏之月廿一日夫人終於家  
春秋六十有八祖諱眞父諱口口其先廬江人也夫人

幼習女儀長有令譽初笄之歲匹於陸君肅肅雍雍如  
琴如瑟嗚呼不同偕老陸君不幸而先逝夫人所生一  
子元慶幼而習禮頗識義方承順慈顏曾無怠色水漿  
不入杖立營葬以所卒之年莫秋之月乙巳朔廿六日  
庚午遷奉於華亭縣西北二十三里陸氏故山□□□  
□□夫之兆以遵生前之命今慮歲月綿邈林摧隴隳  
刊碑立銘周表系以銘曰  
嗚呼浮生如露如電平生玉容無由再見精魄□散形  
體□□□□慕鄉親子淚雨



唐故右內率府兵曹參軍朱府君夫人南陽樊

氏誌銘 并序

序曰南陽之後軒冕閒世最爲國內所稱曾祖釗皇明  
經出身泗州連水縣令夫人連水嫡女有兄一人早逝  
唯獨子立未登筭歲歸於吳郡朱氏二紀輔佐不幸居  
孀志在掬育悉知禮義皇天不祐大中四年七月廿日  
薨建業鍾浦之舊第春秋八十有一以其年歲次庚午  
十月乙巳朔十日甲寅合祔兵曹於鍾山之南善□里  
原禮也夫人遺息二人女二人長圓郎將仕郎前守淄

州口水平縣尉次散郎拔眾敏利迴戰史口口曰先仰  
廿一娘適口口衛兵曹參軍琅邪王鑑廿二娘適前太  
常寺奉禮郎潁川陳言嗣子等泣血號叩感而爲銘勒  
於貞石行焉銘曰  
煒煒煌煌泊漢貽唐磊落軒冕連綿琳瑯令則和睦于  
何居孀提挈撫育歷饑經荒馮以積慶福壽無疆天不  
惠垂玉潤迴藏金爐歇艷寶鏡休光嗣子泣血孝女絕  
漿卜吉遷窆鍾領之陽植柏森森永剋嘉祥

新圓鏡

詩刻

元孚五十年前遊天台宿建公院登華頂攀琪樹觀石  
橋之險絕緬懷昔遊因爲絕句寄  
知建長安兼呈台  
州王司馬

上都左街保壽寺文章應  
制內供奉大德元孚

天生石月架空虛樹綴龍髯子貫珠三十年前已攀折  
建公會到上方無工楷

奉和亦依本韻

中散大夫行台州司馬賜魚袋王暮并書

華頂高峯接太虛承攀琪樹賦垂珠當時惟有建公在  
老宿如今一半無工楷

唐大中九年歲次乙亥八月丁丑朔六日壬午重  
題以紀他年之事

**四六**

唐故陸氏劉夫人墓誌銘

并序

夫人彭城郡人也父峯皆詞林學趨官迹立笄年禮聘  
適於陸門盥帨雞鳴屢勤父節大期俄屆嗚呼於大中  
九年七月口日寢疾終於華亭邑內之私室也芳年卅  
有七以其十二月一日葬於縣東三里買宋氏地之新

塋禮也有子三人長度次夫師口師雖以幼童哀訴過  
禮恐代異時移故刊貞石銘曰

夫人劉氏簪纓之女節婦義夫早聞令譽隙光西邁逝  
水東流佳城一閉萬古千秋

**四六**

題名

昔漢丞相蕭何邀淮陰公韓信至此山大唐刺史楊師  
謀記耳楷

**四六**

又

前溧水縣令鄭宗道開成三年六月罷官上州禮辭迴

遊此十一日記 學薛

**四** 又

朝散大夫守成都少尹上柱國李拜

大中十一年十二月十三日獨遊司顯

掌書記試大理評事盧知猷觀察推官試太常寺協律

郎徐彥口安撫巡官試秘書省校書郎崔蔚攝觀察巡

官前鄉貢進士薛邁

咸通四年九月三日同謁 先師

**九** 唐湖州口口口口口口口口口口故夫人墓誌銘 并序

鄉貢進士李翱書

夫人金氏諱淑口京兆人也幼有容止長能柔順姆教

婉婉織紉組紉克脩女事秉箕執篲婦道口口始其笄

年珮玉待禮時處士馮君名湍長樂人也世代儒雅弓

裘靡湮知名是空高尙不仕聞夫人令淑以羊鴈娶焉

且其闕望齊徽姻榮並曜變彼慶善宜其室家鸞鳴鳳

和填篋叶敬脩賓饋然薦鹽梅謹侍舅姑謙恭娣姒肅

口閨壺舉宗偁嘉訓育兒女咸就婚適冀之偕壽歿而

同塋無何天道踈鑿殞茲令德夫人以大中十二年四



月十四日逝於□□鄉周章里私第享齡六十有九所  
育兒女六人長曰亮仲曰集季曰彥竟能仁孝溫清罔  
違恂恂里閭孰不欽仰女三人二歸沈氏一適陸門夫  
人弃背之辰遠近奔格擗踊□慟泣血絕漿鄰里哀之  
共脩糜餉□於人生浮□論之日及旌以年十二月十  
日宅兆叶吉乃遷柩窆於縣西北盱婁山馮氏祖墓附  
於先舅姑塋域東南隅禮也至孝亮等慮時移世變邱  
墟或湮俾刻貞石藏銘元宮銘曰  
賢哉夫人從德終身肅肅容儀譽美親鄰俄然□□奄

謝青春卜宅安厝餘溪石濱鬱鬱佳城依依□□□□  
百歲冥寞孤墳



唐故潁川郡陳府君墓誌銘

并序

外甥隴西李藝集

府君諱直其先□州潁川郡人也後乃遷□錢唐縣而  
家焉曾祖滔皇試登仕郎新易州易縣尉祖義皇試文  
林郎愛州九真縣尉考及並遁跡雲林高不仕府君卽  
先考之長子也稟性疏達德惟雅操言不宿諾行不鞫  
從內已嚴恪外已溫恭少小習儒長從詩史鄉黨稱孝

親戚稱慈何期積善無徵已咸通五年歲次甲申五月  
廿一日寢嬰微疾百療不痊終於錢唐縣方輿鄉金牛  
里私第享年六十有九娶譙國郡蔣氏有嗣覆陰早失  
有子四人長曰存祐娶渤海吳氏有孫一人曰郁郎女  
孫二人姪娘春娘次曰存議存制娶潁陽范氏存約等  
幼集儒墨強學爲文每以仁行理其心常以孝義存其  
道不以縱口溢其心不以繁華飾其體有女四人長女  
適周氏早歸幽夜次女適章氏次女十三娘閨諱友逝  
鳳舞沈幽小女十四娘在室有絡秀之材道蘊之學四

德俱備三從母儀內睦外和六親謙順各毀不踰禮望  
丹旒而痛心隨孤魂而滴血妹二十五娘適李氏嗟惟  
庭樹之摧長乘國夢十八娘適滕氏素質早歸泉扃嗚  
呼逝水難任何新不故既享黃髮之期萬皆盡度乃已  
元龜宅兆卜筮三從以其年八月十八日窆於履泰鄉  
步渚原品俗里考妣之先塋禮也扶風子寓寄鄰止得  
鄉黨之名實謂其往若休炳然斯文用垂於後銘曰  
千秋冥冥松青蕭索山雲晝陰隴月朝落秋風蕭蕭兮  
寒水淥長江一去兮無迴復冥冥餘魄兮何所依兒女

肝腸兮斷難續天地日月何沈昏猶歎克已兮命不存  
傷哉此去不復返千秋萬古局泉門

魯郡祝位鐫字

五十一

唐臨江郡故何長史府君墓誌

并序

廬岳布衣程山甫述

有唐臨江郡府君何氏諱俛字太常則唐叔虞孫韓氏  
之苗裔鳳池曾公之遠允因道趾廬阜遂家於江州尋  
陽縣丹桂鄉香谷里皇朝請郎試左武衛長史退居雲  
林高尚其仕高祖諱元琮曾祖諱承裕祖諱蔚考諱溥

長兄諱建次兄諱鎰外清河郡張氏府君婚汝南郡周  
氏生三男長曰元廣婚周氏次曰友稜先婚嚴氏次查  
氏李氏歆歆俱不幸先歿次曰元袞婚周氏次曰元壽  
婚彭氏元壽外丹楊朱氏親姻茂盛孰如是焉府君淑  
順恭信行德謙柔福會良疇高蹈雲水美玉不炫聲價  
益高素琴不調五音自足百祿雖備壽不永脩斯天之  
貽咎何神理能保其至德哉以咸通七年歲次丙戌七  
月廿五日臥疾逾月終於私第享齡六十有六以其年  
十一月壬寅朔十九日庚申卜其窆窆於大塋之內而

空焉崗巒興伏羣岫低昂雲水縈流溪谷迴合卽何氏  
異世之所授耶府君性行秉質清真坦夷介潔無虞直  
道自處嗚呼明星滅曜劍墜平津雲鎖碧山霧郁寒水  
親朋痛切閭里哀傷楚悼之情悲莫能已廣稜衮壽等  
仁貌蘊叶行恪溫儒材器天資日標郡里次子稜讀書  
爲文脩進士業早以繼承怙恃未赴貢幃業盛昌晞名  
譽高遠林巒得志守節義謙素其間居上下無怨至其  
四方之人咸相謂曰何人卽今之審達賢達之士也其  
第三子衮又法名思齊性好元門身披羽服堅持科誠

食柏餌芝志樂煙霞逍遙沖寂山甫不揆瑣昧叨竊煙  
霞側聆休風輒錄斯序廣等馮墓泣血託爲謨述口誌

銘曰

鳳池遠裔德並蒿萊郡閩領袖邦國良材志奪冰霜口  
同秋月劍剗琨犀口口明節日月逝矣德辰一沈鄰杵  
無相百牙絕琴大塋之域榮萸原東口寔誰墓長史何

公



唐故宣義郎侍御史內供奉知鹽鐵嘉興監事

張府君墓誌銘

并序

前荆南觀察支使將仕郎試詹事

府司直口蒙撰

府君以乾符六年二月卅日終於常州義興縣之私第  
踰月其季弟中權許哀致書口口口以誌來請蒙之與  
君寓居同邑頃在京師往來甚密蒙之季與君之季口  
口口口口口交甚固以是得孰君之所行事書其善同  
諸石則又安可辭耶君諱中立字口口其先范陽人晉  
司空華十五世孫高祖紹宗皇邵州武岡令贈宜春郡  
太守博學工書著蓬山事苑卅卷行於世蘇許公爲之

製集序韋侍郎述擇神道碑宜春生盛王府司馬翰林  
集兩院侍書侍讀學士諱懷壤有文學尤善草隸書  
與兄懷瓘同時著名學士生池州長史贈金州刺史諱  
涉嘗以文學登制策科金州生普州刺史諱爽進士及  
第登朝爲殿中侍御史口稱其口言年不永竟不至高  
位當時惜之君卽普州第二子也口失恃怙授兄長之  
訓初兄以口口調補霍山縣亂隨兄之任孜孜務學以  
至成人大中初再調授武進尉謂君曰曩以若等幼稚  
未克口生今旣長成可以葺事吾恐墜先志爲平生羞

遂以武進授君曰無以家事縈我我其行矣乃就詞科  
累戰皆北嗚呼天不福善旋抱陟岡之悲君撫視孤姪  
過於已子君之操尙出於先賢自武進歷處州麗水令  
婺州永康宰到永康不旬月旋丁內憂服闋予□□今  
祭酒常侍廉問陝郊素知其材奏爲郡紕值將受代事  
遂不行君曰事之不行命也□郊特達之恩宜如何報  
乃裹糧策蹇專專致謝亦古人之心也既至輦下親舊  
閒稍稍□□由是名姓頗達於上位今左丞韋公蟾卽  
君之親外丈人時爲中丞遂奏爲臺主簿甚爲美秩前

輩名士多爲之然位卑任重尤不易處自憲長以降無  
不譚其盛美無何故□□師王公疑總擢筦務奏爲  
嘉興監官意頗不樂辭不獲免遂授侍御史內供奉知  
□□□年吏畏課溢咸謂得材及罷歸陽羨葺舊居  
植花木與親朋骨肉聚會貧□□□之女嫁之男  
聚之雍睦怡愉無一日不得其所復慕黃老之術齋心  
焚脩頗得其□□□□無羨餘嗚呼眞可謂賢達  
之止矣方今盜賊未弭四方多事適當展材業振□□  
□□□知方聞薦於宰執欲委之重難忽暴疾不六

七日而終嗚呼其亦命耶言年五十有五娶汝南周氏  
楚州盱眙主簿元諒之亞女有子三人長曰庭誨令娶  
姑之女次曰裔圖□□□□性過禮克紹其家女  
三人長適河東柳氏卽前柳牧泰之第二子次許嫁宣  
□□□□及笄季弟仁穎登進士第有時名從知  
廣南幕下仲弟□□□□長安城南方  
屬道路艱虞未克歸卽遂卜用其年四月十二日甲申  
□□□□任光鄉許墅村之南從  
先大父之塋右禮也嗚呼云云  
銘曰

居官惠民居家睦親奉上禦□

云云

陽羨之北荆溪之

濱云云

唐故處士江夏黃府君墓誌

并序

鄉貢進士張珪撰

府君姓黃諱公俊字子彥其先□□人也卽春申君歇  
之後長沙太守之裔孫高祖諱□曾祖諱恕祖諱法皆  
高尚不仕府君生而有禮體質魁□□淳厚以孝義  
爲心處謙恭爲首家傳清儉鄉里稱□□晉代跨於江  
濱迄至今焉子子孫孫樂其耕釣可謂弓裘不墜於地

也何圖暫纓微恙便至沈口藥石繼來略無徵應以乾符五年十月十八日歿於義興縣善拳鄉口塘里享年七十有六娶夫人袁氏淑性懿範婉婉和柔雅合閨闈美哉琴瑟先於府君四年而歿有男三人長曰約公早終次曰搏曰口口先人之風傳先人之業遠近欽奉靡不云賢有女二人長女適吳郡張氏其女不幸早亡愛壻張公尙存昔念口口之口口遠及良辰次女歸於譚氏奔護喪禮罔失其儀嗚呼口口而知命矣因夫人袁氏之口口其吉日口口口口口口備於今日歸泉之

所宜哉以口口口年丁亥歲十月口日窀穸枕夫人塋之北庚首禮也口寓口鄉黨請口誌難以讓陳才雖不敏聊構斯文以紀其事刊於荆岷銘曰  
大道冥口兮混然而成得之則壽兮口之則天全我慈孝兮終口口口上士所口兮下士則笑先口有言兮善口及嗣永介景福兮施乎口口

戴府君墓誌

并序

府君諱芳魯國郡人祖諱徹父諱素府君素之第四子娶東海徐氏育子五人二女三男長子師顛次子師旭



少子師敏府君溫良恭儉讓志惟清雅惟孝惟忠琴酒  
戴不仕何圖積善無徵凶豐春秋六十有三寢疾醫藥  
無效大化有終中和三年秋八月廿五日終至其年季  
冬之月初五日丁酉吉辰窆爲吳郡東南華亭縣北廿  
二里去張管墩五里莞沼鄉城山里進賢村洞涇西一  
百卅步新宅之東南而葬新塋禮也三男泣血二女哀  
號長子師顛等恐歲月久遠陵谷變移不託時世今乃  
刊璧爲記銘曰  
晚暉西落流水東馳存亡永訣逝者無歸萬古千秋墳

壙巍巍 是誰書雙鯉魚是誰讀雙白鶴鯉魚入深泉  
□□□□□□

唐賈水部墓誌額

唐賈水部墓誌額

字長三寸許

宋故黃氏壙誌

公諱裳字齊賢姓黃氏家世儒科爲浦城望族曾祖愿  
祖希哲父端虛皆不仕自父游學始居雲間公兩預鄉  
書以特科授初品官調邵武尉天台丞嘉定庚午十一

月丙戌寢疾卒於家高年七十有三娶費氏二男紘綬  
早世三女皆嫁爲士人妻孫中美公少孤自立篤志於  
學操履醇正不渝生死德豐報嗇尙奚忍言卜以是年  
十二月庚申葬橫山之先塋二子耐焉中美諱泣血誌  
諸壙

增進士吳容填諱


重編古刻叢鈔跋

此伯淵先生所重編次以原書隨得隨鈔時代雜糅難  
以觀覽故也遠寄屬校因再四尋勘其閒卽有所審正  
必取資別本未嘗隻字敢憑胸臆卽如故永陽敬太妃  
墓誌銘十一月九日乙卯上文云以普通元年下文云  
粵其月廿八日戊戌考通鑑目錄是年十月辛丑朔十  
二月庚子朔是十一月爲辛未朔九日當是己卯故廿  
八日戊戌也然所有本皆作乙字近見鮑氏知不足齋  
本獨爲己字乃始改焉其他大略準此鮑本先旣刊刻  
仍藉是本訂定如于處他日故當兩行之也元和顧廣  
圻書於思適齋

辛未孟秋十日勘畢凡題上記南村元第之數今所添入也又跋他本者二首附於左廣圻又書


南村所鈔篆隸皆無釋文其西漢東漢兩石刻有之者乃乾道間東萊蔡迨所爲南村并其考全載之也

他篆籀皆平易可識唯古刻第二

下兩字讀者每疑惑莫解予以爲是淮西道院

四字也夏竦之古文四聲韻卅三皓道下

等字卅三線院下

字與此但筆畫繁簡不一耳說文

徐氏謂官部重出然則寔爲院之正字故四聲韻院字之釋亦依

### 右跋家本

頃孫伯淵觀察用時代重編次古刻叢鈔寄其稟屬以刊行爰取家本並借戈君小蓮藏本相勘旋因專力治說文未遑卒事也鮑丈淥飲過於楓江儻舍談及讀畫齋叢書新刻入諸辛集卽出所印樣見付并勘乃輟數日功重理一過彼此得互爲更正如干字然可疑者尙往往而有焉夫校石刻文字之書非特

不可以意推測并不可據他書改補如宋臨澧侯劉襲墓誌第四弟□□軌太子舍人據沈約宋書宗室傳襲弟寔太子舍人誌下文云第四男量淵遂出後第四弟寔又誌云襲字茂德兄覬字茂道其弟第三字茂蔚第五字茂通則寔之字茂軌可知矣所闕□□殆寔茂二字耳第一男曰長暉出後兄紹封桂陽侯據傳覬無子襲以子晃繼封所損曰殆晃字耳南村非不知檢宋書者良由悉依石本故如是耶唯誌云第五弟季茂通海陵太守而傳言寔弟爽海陵太守季爽違異必有一誤未審石本果何如兼未審南材果何如也其他大略準此臯白堤錢山人聽默實書頁中陳思之流憶廿年前述此書南村手寫者首葉鈐岷山葉文莊藏書圖記曾在白蓮涇王姓家近始散失不知歸何地竊計爲時未遠宜仍畱天地間因於還鮑丈日輒附識之尾且將舉告觀察以俟相與物色庶幾得之盡決其所疑也

右跋鮑本

古刻叢鈔終

再跋古刻叢鈔

是書刊刻已竟從兄東京取小讀書堆所藏付校其本  
後題云右南村古刻叢鈔非全書也已巳冬借岷山葉  
氏所藏鈔本錄於榮木軒至庚午四月十二日完共五  
十八葉錢穀記驗其筆迹非叔寶手書蓋出自轉鈔也  
然視前所有各本迥勝今據以修板改正者凡五十餘

字至其字之多少如若衛天

各本多和  
字錢本無階二案者  
唐

故江南西

各本少西  
字錢本有

道觀察判官

三案江南西道開元  
廿一年分十五道置

探訪使之一也治章郡碑文中南康  
臨川皆屬其部不知者刪去誤甚矣  
故右內率府兵曹

各本首多唐字錢本無十七案以本書推之蓋有前守

額者皆依額為標題此以意改而未明乎其例也

淄州口各本多水平縣尉十八案淄州之屬縣有鄒平

得更有墳簾各本少一缺叶十九案脫者不可通又


水字也墳簾字錢本有案上文云鸞鳴鳳和疑

所缺當在墳下於偶句始皆錢本是而他本非也因不

合錢本轉鈔仍有小譌也

可修改別記於後以正之壬申端午後十日思適居士

顧廣圻書時寓江甯皇甫巷之思古人齋



華陽劉澤溥芾伯校字

